

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया नितिं
लुमंका दिसँ ।

लक्ष्मण गज्जाल 'चिलिंमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने

नकारात्मक शक्ति विरुद्ध संघर्ष यायमा:
डि.आर. खड्गी - २



यल दरवार लगाय डोजर -३



चर्चाय लानाच्वंगु विश्वकप क्रिकेट कासा
प्रजित शाक्य -६



पलसर स्पोर्ट्स अवार्ड २०७५

४-५ पेज

तरकारी विषादी काण्डय् दुइ तिहाइया सरकार

लगाताररूपं थ:गु निर्णयपार्खें थ:हे फसे जुल ओली सरकार

लहना संवाददाता

वर्तमान केपी शर्मा ओली नेतृत्वया सरकार दुई तिहाई बहुमतया सरकार खः । नेपा:या इतिहासय् हे थुलि सशक्त सरकार न त म्हिगः वल, न कन्हय् हे वइ । केपी शर्मा ओलीया नेतृत्वय् थुलि बल्ला:गु सरकार दय्केगु ओलीया नितिं जक मखु, नेपा:या नितिं हे छगू महत्वपूर्ण घटना जगू दु । सम्भवतः ओलीया नेतृत्वया थजा:गु सरकार थ्व हे अन्तिम न जुइ । नेपा:या इतिहासय् संविधानसभापाखें य:सां मय:सां संविधान वय् धुंका: दुई तिहाईया सरकार दय्केगु वातावरण तयार जगू धइगु नेपा: व जनताया नितिं छुं नं छुं याइ धइगु भलसा ब्वलंगु खः । संघीयता कार्यान्वयन, समावेशीता, समानताया कार्यान्वयनया नापनापं नेपा:या उत्पीडित समुदायया नितिं नं छुं जुइ धका: यक्विसिनं आशा या:गु खः । तर थौं देय्या अवस्था स्वल धा:सा दुई तिहाई बहुमत दुगु सरकारथें हे मचवना वल । जनतां ह्युपा:या महसूस तकं याय् मखना व:गु अवस्था दु । ओली सरकार निर्णय याइ, हाकनं थ: हे फसे जुया: लिचिलेमा:गु अवस्था लगाताररूपं वयाच्वंगु दु ।

लिपांगु इलय् तरकारी नापं



येँया भारतीय दुतावासं पौ च्वया: विरोध यात । अनं लिपा तत्काल हे तयारी मगा:गु धका: मन्त्री परिषदं विषादी जाँच यायगु निर्णय स्थिति यात । सरकारया उगु निर्णययात कया: प्यखेरं विरोध जगू दु ।

सिसाबुसाय् विषादी तयाह:गु विषययात कया: प्रधानमन्त्रीनापं मन्त्री परिषदया निर्णययात स्वयं सम्बन्धित मन्त्रीपाखें खण्डन यायमा:गु अवस्था तकं वल । पूर्वाधार मद्दुलिं नेपालय् हइगु सिसाबुसा व तरकारीया विषादी परीक्षण दिकेगु धका: निर्णय या:गु खँ सार्वजनिक याय् वं उकियात कया: कृषिमन्त्री ला खण्डन

हे यायमा:गु अवस्था वल । कृषि तथा पशुपंक्षी विकास मन्त्री चक्रपाणि खनालं धयादीकथं येँया कालिमाती केन्द्रय् २९गू विषादी परीक्षण जुइसा मेगु खुगू थासय् नं परीक्षण केन्द्र दुगु जानकारी बियादीगु खः । नेपालय् वइगु तरकारी व सिसाबुसा नेपा: व भारतया सीमा नाकाय् विषादी परीक्षण यायमा:गु व्यवसायीत सहित असार २ गते

'निकासी पैठारीसम्बन्धी आदेश' राजपत्रय् प्रकाशित जुइ धुंका: उकथं परीक्षण सुरु या:गु खः । तर येँया भारतीय दुतावासं पौ च्वया: विरोध यात । अनं लिपा तत्काल हे तयारी मगा:गु धका: मन्त्री परिषदं विषादी जाँच यायगु निर्णय स्थिति यात । सरकारया उगु निर्णययात कया: प्यखेरं विरोध जगू दु । स्वयम् सत्तारूढ दल नेपाल कम्युनिष्ट पार्टी नेकपाया सांसदतय्सं तकं विरोध यात । सत्तारूढ दलया सांसदतय्सं तकं भारतया न्हय:ने न्हासं चूगु ख:ला ? धका: न्हयस: तयगु ज्या यानाह:गु दु । थ:गु हे सरकारया विरोध यायमा:गु अवस्था तकं वल । थ्व हे दथुइ कृषिमन्त्री खनालं पूर्वाधार मद्दुगु धा:गु तर्कयात चा:हिका: खण्डन यानादीगु खनेदु । पूर्वाधार दु हे मद्दु धइगु मखु मा:गुकथं मद्दुगु खः । आ:या अवस्थाय् नं विषादी परीक्षण जुयाच्वंगु तकं वय्कलं धयादिल ।

ओली सरकारया निर्णययात कया: प्रमुख प्रतिपक्ष दल नेपाली कांग्रेस नं विरोध या:गु दु । अले सदरनिसें सतकय तकं तरकारी विषादी नापं भारतया न्हय:ने ओली सरकार न्हासं चुया: लम्पसार जुल धका: तकं स: तयगु ज्या यानाह:गु दु ।

त्यं ७ पेजय

देय् दबूया दांभरिइ अन्जिता हे कायम

येँ । नेवा: देय् दबूया दांभरि पदय् अन्जिता खड्गीयात हे कायम जगू दु । येँया जिल्ला प्रशासन कार्यालयपाखें खड्गीयात हे दांभरि कायम यायत निर्देशन ब्यूगु खः । छु दिं न्हय: दबूया केन्द्रीय मुँज्यापाखें दांभरि पदय् खड्गीयात चीका: उगु थासय् शान्त श्रेष्ठयात उगु भाला ब्यूगु ख:सा उगु निर्णयया विरुद्ध खड्गीं येँया जिल्ला प्रशासन कार्यालयस उजरी तयादीगु खः ।

जिल्ला प्रशासन कार्यालयं उगु उजरीया आधारय् निगू पक्षयात छथाय् तया सहलह याक्यु खः । उगु सहलहस नेवा: देय् दबूया नाय: नरेश ताम्रकार व मूख्याञ्जे माइला बाबु घ:लालिसें दांभरि अन्जिता खड्गी व मनोज नेवा: सहभागी जुयादीगु खः ।

उगु निगु पक्षयात छथाय् हे तया: येँ जिल्ला प्रशासन अधिकृत सुजन फागो लिम्बु अन्जिता खड्गीयात दांभरि हे कायम यायमा:गु, दबूया नाय:पाखें भैपरी आउने शीर्षकय् खर्च बियाच्वंगु पारदर्शी यायमा:गु व देय् दबूया आ:या



अन्जिता खड्गी

बिधान लोकतान्त्रिक मजगुलिं याकनं हे लोकतान्त्रिककथं न्हयव्वयत नं निर्देशन ब्यूगु दु ।

थ्व हे इवलय् अन्जिता खड्गीपाखें दांभरिया पदभार ग्रहण यानादीगु दु । वय्क:यात दबूया मू ख्याञ्जे माइलाबाबु घ:लां खादा व स्वांमा क्वखाय्का: लसकुस यानादीगु खः ।

उगु प्रशासन प्रमुखया निर्णय लिपा खड्गीं खँलहानादिसे देय् दबूया नाय:पाखें बिधि सम्मत ज्या मजगु

त्यं ७ पेजय



सम्पादकीय



सरकारया 'नालायकीपन'

भारतपाखें आयात जुझु तरकारी व फलफूलया विषादी परीक्षण कडाई यायगु नीतिपाखें सरकार लिचिलेवं सरकारया ज्याखंयात कया: छ्वाखेरं आलोचनाया शिकार जूगु दु।

सरकारं विषादी परीक्षणया नितिं मा:कथंया तयारी मजगुलिं खुलाया नितिं थुगु नीति स्थगित या:गु वंगु विहीवा: मन्त्रीपरिषदया मुंज्यापाखें निर्णय जूगु सार्वजनिक या:गु ख:। सरकारं वंगु असार २ गते राजपत्रय हे सूचं पिथना: भन्सार विन्डुइ क्वारेन्टाइन व जीवनाशक विषादीया अवशेष अनिवार्यकथं परीक्षण यायगु नीति ह:गु ख:सा थ्व हे नीतिकथं भारतपाखें दुहांवझु तरकारी व सिसाबुसा परीक्षण याना: जक नेपा: दुकायगु धका: नाकाय् पनात:गु ख:। थ्व तसकं हे बाला:गु ज्या ख: धका: च्छायगु ज्या हे क्वमलानि, सरकारं थ:म्हस्यां या:गु निर्णय हाकनं लितकायगु ज्या यात। थ्व तसकं हे क्वह्यंगु ज्याकथं आलोचना या:गु दु।

परराष्ट्र मन्त्री प्रदीप ज्ञवालीं बुटवलय जूगु छगू ज्याइव:यात सम्बोधन यानादिसें नेपा: समृद्धिपाखें न्ह्या:वनेगु नितिं छगू चरण पार जुल धयादीगु ख:। तर समृद्ध नेपा:या नितिं थनया जनतापिनिगु स्वास्थ्य नं उलि हे बालाया:मा: धका: सायद वयकलं मस्यगु जुझुमा:। मखुसा, नेपा:मिपिनिगु स्वास्थ्ययात कया: सरकार गुलि सम्बेदनशील जू अले नेपा:मित स्वस्थ जीवन हेनेगु मौलिक हकयात तक वेवास्ता यासें थुकथं विदेशपाखें व:गु नसाज्वलंया परीक्षण हे मयासे थुकथं विषादीयुक्त नसाज्वलं अर्थात तरकारी व सिसाबुसा दुकायगु गुलितक पाय्छि जुझु ?

मन्त्रीपरिषदयया निर्णययात कया: सम्बन्धित मन्त्रालयया मन्त्रीपाखें हे परीक्षण यायगु ज्या न्ह्यानाच्वंगु खँ न्ह्यथसें थुगु ज्याया नितिं पूर्वाधार मगा:सां स्थगित हे यायमा:गु अवस्था मदुगु धयादिल। तर 'सुखी नेपा:मि, समृद्ध नेपा:या नारा बिया: न्ह्यज्यानाच्वंगु सरकारं थ:गु नीतियात तक हाचां गायमा:गु गजा:गु अवस्था वल ? थजा:गु निर्णयपाखें पक्का नं नेपा:मि सुखी जुझुमखु धका: सरकारं स्यूसानं छांय बाला:गु पला:पाखें सरकार लिचिलेमाल धका: सकस्यां कुखिनाह:गु दु। खयत ला सरकार असार २ गते विषादी परीक्षणया नीति ह्यवं भारतं गम्भीर च्युता: प्वकूसें नेपाल सरकारयात निर्णय लित कायत दबाव ब्युगु ख:। नेपा:या थुगु नीतिपाखें भारतया किसान व व्यवसायी मारय ला:गु धासें भारतीय दूतावासं पौतकं च्व:गु ख:सा उद्योग, वाणिज्य तथा आपूर्ति मन्त्रालययात पौ च्वया: नेपा:या सीमा नाकाय् शुरु या:गु तरकारी व सिसाबुसायात विषादी परीक्षण मयायत सरकारयात इनाप तक या:गु ख:। नापं नेपा:या सीमा नाकाय् थ्येनेधुंकू थ:गु देशया कृषिजन्य उत्पादन ज्वनाव:गु सवारी साधन मपनेत तक इनाप या:गु ख:।

थ्व लिपा सरकारं थ:गु विषादी परीक्षण यायगु नितिं पूर्वाधार हे तयार मजुनि धका: थ:गु निर्णय स्थगित या:गु सार्वजनिक यायवं सरकार धात्थें सुनां न्ह्याकाच्वंगु दु ? धझु खं स्पष्ट जूगु दु। नेपा:मितसें विषादी दुगु नसाज्वलं उपभोग मयाकेगु नितिं सरकारं भारतं वझु तरकारी व सिसाबुसा जक मखु, नेपालय हे उत्पादन जुझु तरकारी व सिसाबुसाया विषादी परीक्षण याना: नयबह:जू धका: 'ट्याग' तिकेमा:गु अवस्थाय भारतपाखें वझु नसाज्वलं हे परीक्षण मयासें दुकायगु ज्या गुलितक पाय्छि जू। अलय जनस्वास्थ्ययात कया: सरकार गुलि सम्बेदनशील दु धझु खं थुकि स्पष्ट या:गु दु। यदि पूर्वाधार तयार मजुनिगु ख:सा सरकारं तुरुन्त हे पला: न्ह्याका: जनस्वास्थ्ययात कया: सरकार न्ह्यचिलेमाल। दुई तिहाईया सरकार 'नालायक' सरकार मजुझुकेगु नितिं पिने देशया दबावपाखें न्ह्या:वनेगु मखु, नेपा: व नेपा:मिपिनिगु हीतय पला: न्ह्याकेमा:गु थौया माग ख:।

नकारात्मक शक्ति विरुद्धय संघर्ष यायमा:

गुलि गुलि अपराध, गुण्डागर्दी व बजा: भा: अप्वयाच्वनी, उलि उलि हे नकारात्मक सोचं ग्रस्त जुयाच्वंनिं नेतातयसं तमासा स्वयाच्वनी। नेता व नोकरशाहतसें तमासा स्वयाच्वंगुया कारण धयागु अप्रत्यक्षकथं इमिगु स्वापू नकारात्मक व शक्तिलिसे दुगुलिं याना: ख:।



डि.आर. रसङ्गी

सामन्तीया नाइके धा:सा नं जुजु खलकतयसं देय्यात घातक यायगु ज्या या:गु खनेमदु। बरु जुजु खलकतयसं देशया सार्वभौम, अखण्डताया रक्षाया नापनापं देशया प्रतिस्था विश्वय कायम यानातयत ता:ला:गु दु। जुजु महेन्द्रया पालय संयुक्त राष्ट्र संघया सुरक्षा परिषदय निक्व: तक नेपा: अस्थायी दुज: जुझु ता:लात। व इलय नेपा: नं विश्वया राजनीतिइ तक भूमिका मिहता: ग्वाहालि यायगु ज्या जुल। जुजु पृथ्वीनारायण शाह नं विराट नेपा: धका: पूर्वया टिष्टा, पश्चिमया काँगडातक थ:गु राज्य न्यकेगु ज्या यात। अथे धझु थौकन्हय भारतया उत्तराञ्चल व सिक्किमतक थन्याच्वंगु ख:। तर दुर्भाग्य ब्रिटिस कम्पनीया अधीनय भारत लानाच्वंगु इलय सन् १८१६ सालय सुगौली सन्धी याय वं पूर्वया टिष्टा व पश्चिमया काँगडा भारतया ल्हातय लात। सुगौली सन्धी याना व:पिं निम्ह प्रतिनिधि खस बर्मूत ख:। छम्ह गजराज मिश्र मेम्ह सुवेदी थरयाम्ह बर्मूत ख:। राष्ट्रघात सन्धी या:गु बदलाय ब्रिटिस कम्पनीं निम्ह बर्मूतयत न्यास: न्यास: बिधा जमीन ब्युगु जुयाच्वन। शास्त्रय नं थथे धयात:गु दु, बर्मूतयगु स्वभाव हे लालची स्वभाव ख:। बर्मूतयत राज्यया छुं नं उच्च पदय थाय बी मज्यु। छाया:सा इमिगु स्वभाव हे थ:गु फाइदाया नितिं न्ह्यागु नं कूर्कर्म यायत नं तयार जुझुपिं ख:।

नेपा:या प्रजातान्त्रिक आन्दोलनयात भारतं ग्वाहालि याना: ता:ला:गु ख:। अथे जूगुलिं भारतयात भूसिं गुण पुलेमा: धाझुपिं नेतातयसं धायगु यानाच्वनी। थ्व भावया अर्थ ख:, थनया नेवा:तयके च्य: मानसिकता ग्रस्त जुयाच्वंगु दु धयागु संकेत ख:। छाया धा:सा भारतया स्वतन्त्रताया संग्रामय नं नेपा:या जनतां यक ग्वाहालि या:गु दु। तर भारतं धा:सा नेपा:यात गुण पुलेगु त्व:ता: अ:ख: नेपा:प्रति कुट्टिष्ट जक तयाच्वनी। तर भारत धा:सा ००७ साल, ०४६ सालया आन्दोलनलिपा कोशी, गण्डकी व महाकाली सन्धीया नाटक याना: नेपा:या जलश्रोतया अधिकार कया: ल: व मत भारतय यंकेगु ज्या यानाच्वन। ल: व मतया अधिकार काल धका: भारतयात जक दोष बीगु पाय्छि मजु। भारतयात स्वयां नं थनया पार्टीया नेतातयगु अप्व: दोष दु। अर्थात राष्ट्रघाती सुगौली सन्धी याना: बर्मूतसें जग्गा जमीन कालसा कोशी, गण्डकी व महाकाली सन्धी याना: करोडौं कमिशन नल धका: व इलय तसकं चर्चा जूगु ख:।

निक्व:गु जनआन्दोलन नं भारतया ग्वाहालि ता:ला:गु ख:। निक्व:गु सफल जनआन्दोलन नं भारत हाकनं त्यं दनीगु जलश्रोत सम्भौता याना: ल: व मतया अधिकार काकां वनाच्वंगु दु। अभ ल: व मत

स्वयां नं खतरनाक ज्या भारतया नागरिकतयत नागरिकता बिया वनाच्वंगु ज्या ख:। भारतया चाहना मत स्वयां नं ल:या अधिकार कायगु नितिं थनया नेतातयत थ:गु मुट्टीइ तयगु ज्या यानाच्वंगु दु। भारतयात ल: तसकं मा:गु जुयाच्वंगु कृषि उत्पादन अप्वयकेगु नितिं ख:। यदि कृषि उत्पादन अप्व: मजुल धा:सा भारतय भुखमरीया समस्या वयफु। थ्व हे हुनिं नेपा:या ल:या अधिकार कायगु नितिं भारतं षडयन्त्र यानाच्वंगु ख:। भारतया विहार, उत्तर प्रदेश, उत्तराञ्चल व पश्चिम बंगालया भूमि नेपा:या लखं भारतया कृषि क्षेत्रय त:धंगु योगदान बियाच्वंगु दु। थ्वया

न्ह्याबले नं जिपिं सामन्ती व विदेशी पूँजीपतिया विरोधय वनाच्वंगु दु धका: म्हुतुं धा:सा नं ज्या धा:सा जनतायात दु:ख कष्ट बीगु बाहेक मेगु छुं नं मजु। नेतातयसं आ: नं जनताया नितिं राजनीति यानाच्वनगु ख: धयाच्वंसा नं जनतायात घात यायगु कथंया ज्या जुयाच्वंगु दु। दसुया नितिं बजा: भा: अप्वयकाच्वंगु दु, जनतायाके अप्व: कर कया: जनतायात कंगाल यायगु स्वयाच्वंगु दु। भा: थिके यायगुया अर्थ ख:, साहु महाजन, व्यापारी व हाकुबज्जातयत धनी यानाबीगु ख:। जनतापाखें अप्व: कर कायगुया अर्थ नं नेतानिसें नोकरशाहतयसं अनेककथंया सुविधा



नेपा:या खस बर्मू नेतातयगु लक्ष व तातुना धझु देश व जनताया कल्याण यायगु मखुसें देशया सम्पत्ति लुटय याना: जनतायात तुं मुख यायगु ज्या जक ख:। थुकिया नितिं उमिसं राजनीतिककथं म्हुतुं बालाकक भाषण याना: जनतायात तारिफ कायगु याइ। चाहे कम्प्युनिष्ट नेता जुझुमा वा मेमेगु पार्टीया नेतात जुझुमा। अप्व: हे इपिं हाकुबज्जा, माफिया पक्षय जक मखु, विदेशी शक्तिया इशाराय प्याखं हुला: देशघाती ज्या जक याना वयाच्वंगु दु।

अर्थ भारतया अर्थतन्त्रय तक नं नेपा: लखं तिब: बियाच्वंगु दु।

थ्व यथार्थ ख: कि इजरायल, जोर्डन, टर्की व इथियोपिया देशपाखें लखौलख डलर पुला: ल: न्यानाच्वंगु दु। भूगु देय्या ल: भारतं सितिकं कायगु यानाच्वंगु दु। भूसिं भारतयात विरोध यायगु स्वयां नं नेपा:या दलाली नेतातयत विरोध याना: खबरदारी यायगु ज्या यायमा:। छाया:सा थनया नेतातयसं अधिकार ब्युगु कारणं भारतं नेपा:या ल: यंकाच्वनेफूगु ख:। भारतं नेपा:यात ग्वाहालि यानाच्वंगु ला छुं नं मखु धायमा:। छाया:सा भारतं भूगु देशया लखं सलंस: गुणा फाइदा कयाच्वंगु दु। भूगु देशया मेमेगु प्राकृतिक सम्पत्तिइ कब्जा याना: फाइदा कयाच्वंगु हिसाब ला त्व:ताछ्वय। थ्व हे कारणं याना: ला भारतया रणनीतिया कासा हे जुयाच्वंगु दु। नेपा:या नेतातयत तन्त्रमन्त्र याना: लट्ट यानाच्वनीगु नाटकया कासा मिहताच्वनेगु भारतया धर्म ख:। भारतया हानं मेगु राजनीतिक स्वार्थ धझु खसबर्मू नेतातसें सदां अधीनय तय थाकुइ धका: वया विकल्पय भारतया नागरिकतयत नागरिकता कायकेगु ज्या यानाच्वंगु दु। निक्व:गु सफल अनआन्दोलन लिपा लखौलख भारतीयतयत नागरिकता कायकेगु नितिं भारतं दबाव कीगु ज्या यात। अभ नं धमाधम मधेसीया नाम नागरिकता कायका: लिपा सिक्किम अथवा फिजीकरण यायगु भारतया रणनीति ख:। नेपा:या तत:धंगु पार्टीया नेतातयसं

कया: रजाई यायगु ज्या ख:। नेपा:या खस बर्मू नेतातयगु लक्ष व तातुना धझु देश व जनताया कल्याण यायगु मखुसें देशया सम्पत्ति लुटय याना: जनतायात तुं मुख यायगु ज्या जक ख:। थुकिया नितिं उमिसं राजनीतिककथं म्हुतुं बालाकक भाषण याना: जनतायात तारिफ कायगु याइ। चाहे कम्प्युनिष्ट नेता जुझुमा वा मेमेगु पार्टीया नेतात जुझुमा। अप्व: हे इपिं हाकुबज्जा, माफिया पक्षय जक मखु, विदेशी शक्तिया इशाराय प्याखं हुला: देशघाती ज्या जक याना वयाच्वंगु दु। अप्रत्यक्षकथं पार्टीया नेतातयसं देशया कानूनी राज्ययात ध्वस्त याना: अराजकता हया: समाजय अशान्ति, हिंसा, लुटपात अप्वय का: डर, त्रास न्यकेगु ज्या नं यानाच्वनी। जब कानूनी राज ध्वस्त जुझु, अन जनता पीडित जुझु स्वभाविक ख:। कानूनी राज खतम जुल कि छेहे हाकुबज्जा, माफिया व अपराधीतसें छ्यं ल्हवनेगु यानाच्वनीसा मेखे लाथेपाथे तरिकां बजा: भा: अप्वयका: जनतायात आर्तिकित यानाच्वनी। गुलि गुलि अपराध, गुण्डागर्दी व बजा: भा: अप्वयाच्वनी, उलि उलि हे नकारात्मक सोचं ग्रस्त जुयाच्वंनिं नेतातयसं तमासा स्वयाच्वनी। नेता व नोकरशाहतसें तमासा स्वयाच्वंगुया कारण धयागु अप्रत्यक्षकथं इमिगु स्वापू नकारात्मक व शक्तिलिसे दुगुलिं याना: ख:। थ्व हे कारणं याना: नकारात्मक शक्ति (भ्रष्ट, दलाल) नेताया विरुद्धय संघर्षया नितिं छप्यं जुझुफ्य मा:।

त्वमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिकपिसं छ्वयादीगुयात थुगु वा:पतिइ थाय बियाच्वना। पिदंगु च्वसुयात उचित पारिश्रमिक बीगु नं सुचं बियाच्वना।

लहना वा:पौ
भोछें, यें

lahana.news@gmail.com





प्याराग्लाइडिङया युकेश गुरुड व फुटबलया सावित्रा भण्डारी वर्षया उत्कृष्ट कासामि जूगु दु ।
नेपाल खेलकूद पत्रकार मञ्च ग्वसाः ग्वःगु 'पल्सर स्पोर्टस् अवार्ड'य् थीथी विधाय् ९म्ह कासामिपिं सम्मानित जूगु खः । प्याराग्लाइडिङ दकलय् अप्वः स्वंगू विधाय् अवार्ड त्याकूगु दु । फुटबल व एथलेटिक्स समान २/२गू भलिबल छू व दृष्टिबिहिन क्रिकेट छू विधाय् अवार्ड त्याकल ।
वर्षया उत्कृष्ट मिजं कासामि युकेश गुरुङ्ग, वर्ष उत्कृष्ट मिसा कासामि सावित्रा भण्डारी, वर्ष उत्कृष्ट प्रशिक्षक योगेश भट्टराई व पिपल्स च्वाइस अवार्डया विजेता रेश्मा भण्डारी यानः प्यंगू विधाय् विजेता पल्सर मोटरसाइकल प्राप्त याःगु दुसा मेमेगु विधाय् विजेतापिन्सं म्हीतिं ५०द्वः तका दां प्राप्त याःगु दु ।

उत्कृष्ट मिजं कासामि : युकेश गुरुङ्ग, प्याराग्लाइडिङ उत्कृष्ट प्रशिक्षक : योगेश भट्टराई, प्याराग्लाइडिङ उत्कृष्ट मिसा कासामि : सावित्रा भण्डारी, फुटबल पिपल्स च्वाइस अवार्ड : रेश्मा भण्डारी, भलिबल उत्कृष्ट युवा कासामि : अजीतकुमार यादव, एथलेटिक्स लाइफटाइम अचिभमेण्ट अवार्ड : लिजेण्ड हरिबहादुर रोकाय, एथलेटिक्स पाराएथलेट अवार्ड : मन केसी, दृष्टिविहीन मिसा राष्ट्रिय क्रिकेट टिम अन्तर्राष्ट्रिय एशियन स्पोर्टस् जर्नालिष्ट अवार्ड : अमजद अजीज मलिक (अन्तर्राष्ट्रिय खेलकूद पत्रकार महासंघया मूछ्याञ्जे), पाकिस्तान

चर्चाय् लानाच्चंगु विश्वकप क्रिकेट कासा लिग चरणया कासा



प्रजीत शाक्य

न्यावा: क्वचा:गु इलय् ४५गू कासा क्वचाय् धुंका: विश्वकप क्रिकेट कासाया लिग चरण क्वचा:गु दु। लिग चरणया कासा क्वचा:गु इलय् भारत, अष्ट्रेलिया, इङ्गल्याण्ड व न्यूजिल्याण्ड शीर्ष प्यंगू थासय् ला:गु दु। आ: ल्या: धलखय् ला:गु उत्कृष्ट टिम न्हय:ने वनीगु प्रावधानकथं थुगु प्यंगू टिम दथुइ हे सेमीफाइनल कासा जुइ। थुगुसीया थुगु हे प्यंगू टिम मध्ये छगू टिम विश्वकप क्रिकेट कासाया च्याम्पियन जुइ।

लिग चरणया कासा क्वचा:गु इलय्तक विश्वकपय् यक्व हे चर्चाया विषय जुल, गुगु थन चर्चा यायगु जुइ।

अपेक्षा या:कथं रन दय्के मफुत

इङ्गल्याण्डय् जुइगु विश्वकपय् रनया वर्षा जुइगु अपेक्षा या:गु ख:। थुगुसी न्यास:गू

रनतक दय्कीगु भविष्यवाणी या:गु ख:। तर थौकन्हय् जुयाच्चंगु विश्वकपय् छु नं टिम आ:तक प्यस:गू रन तर्क दय्केफूगु मडुनि। खय्त ला अफगानिस्तान विरुद्ध ३९७गू रन दय्का: इङ्गल्याण्ड उगु कोशेदुंगा अर्थात माइलस्टोन लिक्क थ्यंगु ख:। उगु कासाय् इङ्गल्याण्डया कप्तान इयोन मोर्गन १७गू छक्का थवाना: कीर्तिमान त:गु ख:।

न्हयानाच्चंगु विश्वकपय् न्हापा स्वयां यक्व हे रन धा:सा दय्कूगु दु। छुं छुं कीर्तिमान कायम जुइधुंकूगु दुसा छुं छुं जुइगु इवल्य दु। भारतया रोहित शर्मा छगू विश्वकपय् न्यागू शतक दय्कीगु कीर्तिमान तयधुंकूगु दु। वय्कल ६४७गू रन दय्केधुंकूगु दु। आ: विश्वकपय् सचिन तेन्दुलकर दय्कूगु दकलय् अप्ठ्य: रनया कीर्तिमान त्वा:थलेगु निति रोहितयात मुक्क २६गू रन जक मा:गु दु। रोहित जक मुख, अष्ट्रेलियाया डेभिड वार्नर ६३८गू रन व बङ्गलादेशया सकिव अल हसन ६०६गू रन दय्का: ६००गू रनया कोशेदुंगा पार यायधुंकूगु दु।

अष्ट्रेलियाया तेज बलर मिचेल स्टार्क छगू विश्वकपय् दकलय् अप्ठ्य: विकेटया कीर्तिमानया बराबरी यायधुंकूगु दु। सन् २००७य् अष्ट्रेलियाया हे ग्लेन म्याकग्राथ मुक्क २६गू विकेट कया: विश्वकपय् दकलय् अप्ठ्य: विकेट कायत ता:ला:महकथं कीर्तिमान दय्कूगु ख:। अष्ट्रेलियां अफ्रन नं म्हाँति छगू वा

अप्वलय् निगू कासा म्हिते ल्यदनीगुलिं स्टार्क विकेटया ल्या: अप्ठ्यका: म्याकग्राथया कीर्तिमानयात त्वा:थलीगु पक्का खनेदु।

टस त्याकेगु, ब्याटिड यायगु

थुगुसी न्हयानाच्चंगु विश्वकपय् टस त्या:गु हे बच्चि कासा त्या:गुथें जुगु दु। उकिं फुक्क टिमया निति अ:पुगु समीकरण जुयाब्युगु दु, 'टस त्याका: न्हापां ब्याटिड यायगु।' इङ्गल्याण्डय् न्हापां ब्याटिड या:गु टिमयात त:धंगु फाइदा जुगु दु। विश्वकपथें जा:गु त:धंगु कासाया दबाव, वा वइगु ग्याचिकु व कासा म्हितुम्हितु लिपा पिच सुस्त जुजुं वनीगु हुनि नं अप्ठ्य: धइथे टिम न्हापां ब्याटिड यायगु यय्कूगु खनेदु।

पाकिस्तानया दुर्भाग्य

पाकिस्तान विश्वकपय् प्यंगूगु थासय् ला:गु न्यूजिल्याण्डया थें ११गू ल्या: का:सां नं सेमीफाइनलय् थाय् धा:सा दय्के मफुत। रनरेट ल्यूने ला:गुलिं पाकिस्तान हिस्स जुइमा:गु ख:। खय्त ला बङ्गलादेश विरुद्धया लिपांगु कासा न्हय: हे पाकिस्तान हे त्या:सां नं न्हय:ने वनेत चमत्कार हे यायमा:गु अवस्था ब्वलंगु ख:। पाकिस्तान सेमीफाइनलय् थाय् सुनिश्चित याय्त न्हापां ब्याटिड याना: ४०० गू रनया योगफल दय्केमा:गु समीकरण दुगु ख:। थुलिइ जक सीमित मजूसे पाकिस्तान

४००गू रनया लक्ष ब्यूसा बङ्गलादेशयात ८४गू रनय् सीमित यायमा:गु ख:। गुगु असम्भव थें जुयाब्युगु ख:। पाकिस्तान बङ्गलादेशयात याउंके हे बुकल, तर चमत्कार धा:सा याय् मफुत। आइसीसी पाकिस्तानया केस लिपा आ: रनेटया विकल्पय् 'हेड टु हेड'या नियम ह्यमा:गु खँय् बिचा: यायगु हथाय् जुइधुंकल।

फलप

दक्षिण अफ्रिका उपाधिया दावेदारया टिमकथं विश्वकपय् म्हित:व:गु ख:। दक्षिण अफ्रिकाया टिम सन्तुलित नं जुयाच्चंगु ख:। वेष्ट इण्डजयात नं 'खतरनाक टिम'कथं कयात:गु ख:। अफगानिस्तानया लेग स्पीनर रसिद खानया निति नं थुगु विश्वकप 'महान बलर' दय्कीगु अपेक्षा या:गु ख:। तर फुक्कस्यां अपेक्षा या:कथं प्रदर्शन धा:सा याय् मफुत।

सन्ध्यासया मञ्च

परम्पराकथं न्हयानाच्चंगु विश्वया चर्चित क्रिकेटर विश्वकपयात थ:गु अन्तर्राष्ट्रिय क्रिकेट जीवनयात 'फूलस्ट' यायगु पाय्छिगु ई व दबुकथं कया वयाच्चंगु ख:। न्हयानाच्चंगु विश्वकपया इवल्य नं सुं सुं कासाभिपिनसं सन्ध्यासया घोषणा यायधुंकूगु दु। गुकी मध्ये वेष्ट इण्डजया क्रिस गेलया सन्ध्यास दकलय् चर्चित जुल।

पाकिस्तानया चर्चित ब्याट्सम्यान शोएब मलिक नं विश्वकपया इलय् हे अन्तर्राष्ट्रिय एकदिवसीय कासापाखें सन्ध्यासया घोषणा यात। दक्षिण अफ्रिकाया अलराउण्डर जिन पल दुमिनी विश्वकपयात अन्तिम कासा जुइ धा:मह मेम्ह क्रिकेट कासामि ख:। दक्षिण अफ्रिकाया निति ३९गू विकेट कया: दकलय् अप्ठ्य: विकेट कायत ता:ला:महकथं कीर्तिमान दय्कूम्ह इमरान ताहिर नं सन्ध्यास कायगु इवल्य लानाच्चंगु दु।

श्रीलङ्काया तीव्र गतिया बलर लासिथ मलिक कासा क्वचा:गु याकनं वा लिबाक्क सन्ध्यास कायगु निर्णयस थ्यनीगु पक्का धइथे जुयाच्चंगु दु। त:क्व: हे धा:पा: जुया: नियमित जुइ मफयाच्चंम्ह मलिककाया कमजोरी जुयाब्युगु दु। बङ्गलादेशया अलराउण्डर मशरफ़ी बिन मुर्तजा विश्वकपलिपा सन्ध्यासया घोषणा या:सां नं बोर्डया निर्णययात पियाच्चंगु दु। अथे हे दक्षिण अफ्रिकाया ब्याट्सम्यान हासिम आम्लां सन्ध्यास कायफइगु अनुमान या:गु दु। दक्षिण अफ्रिकाया हे तेजबलर डेल स्टेन विश्वकपलिपा तुयुगु बलया क्रिकेटयात त्व:तेगु न्हापा हे धयादीधुंकूगु ख:।

इङ्गल्याण्ड वनेगु टिमय् मन्ह्य:मह अलराउण्डर युवराज सिंह व विकेट कीपर, ब्याट्सम्यान अम्बाटी रायडु विश्वकपय् न्हयानाच्चंगु संस्करणया दथुइ हे सन्ध्यास कायगु घोषणा या:गु ख:।



नेवा: पत्रकार राष्ट्रिय दबूया तसकं हथाय्गु सूचं

नेवा: पत्रकार राष्ट्रिय दबू नं यल महानगरपालिया ग्वहालीं 'संस्कृति, सम्पदा व पर्यटन प्रवर्द्धनया निति पत्रकारिताया भूमिका प्रभावकारी यायगु व सरोकारवाला व सञ्चारकर्मीया सहकार्य' विषयसं पर्यटन व्यवसायी, होटल व्यवसायी, स्थानीय तहया जिम्मेवारी पदाधिकारी व सञ्चारकर्मी दथुइ जुइगु सहलह ज्याभव:सं ब्वति कयादीत नेवा: पत्रकार राष्ट्रिय दबूया सकल ज: दुज व जिल्ला शाखाया सकल ज: दुज:पिन्त आधिकारिक सूचं बियागु जुल। कथं कदाचित सूचं मथ्यंगु ख:सा श्वहे सूचंयात आधिकारिक सूचं मानेयाना क्वय् बियातयागु दिं, थाय् व इलय् अनिवार्य उपस्थिति जुयादीत इनाप यानाच्चवना।

दि : नेपाल संवत् १९३९ दिलाश्व ९
वि स २०७६ असार २५ गते बुधवा:
थाय् : श्री उग्रचण्डीमाई ताम्रकार कुलदेवता परिसर
ताम्रकार समाज भवन, जावलाख्य:, यल
ई : सुथसिया द: ता:

राम प्रजापति
प्रोधाक्टर

हास्ती मिठाई भण्डार
(सुद्ध झाकाढाबी)

कालिमाटी चौक, टकेश्वर मार्ग, काठमाडौं।
फोन नं. : ४२७२९९९, मो. ९८०३९८०६९९

यहाँ: -विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ।

- (क) व्यापारी त्यासा
(ख) हायरपचेज त्यासा
(ग) आवासीय त्यासा



- (घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछें, पाको, न्हूसतक, यें, नेपा:
फोन ल्या: ४२३१०३६, ४२२२०६५, ४२१६१६७, फ्याक्स : ४२१६१६७

सहकारी कपया उपाधि सजिनयात



ताम्रकार समाज व ललितपुर स्पोर्ट्स क्लबका मंकाः ग्वसालय् जूगु न्हयक्वःगु गणेशमान सिंह सहकारी बुद्धिचाल कपया उपाधि जनता साकोसया सजिन महर्जनं त्याकल । फाइनल गोलडेन गेट इन्टरनेशनल कलेजया मिलन लामायात बुकाः महर्जनं उगु उपाधि त्याकूगु खः । उपाधिया नापनापं यामाहा मोटरसाइकल नं त्याकूगु दु । निगूगु थासय् लाःम्ह मिलन लामां न्यय् द्वःतका त्याकूगु दु ।

कासाय् पुलांम्ह नेपाल च्याम्पियन शुभकामना साकोसया मदनकृष्ण कायस्थ स्वंगुगु थासय् लाःगु दुसा रिजेन्द्र राजभण्डारी प्यंगुगु थासय् लात । कायस्थ व राजभण्डारी छसिकथं स्वीद्वः व नीन्याद्वःतका त्याकल । अथे हे लिंग कम नकआउटया

आधारय् न्ह्याःगु उगु कासाया लिंगपाखे फिडे मास्टर रुपेश जैशवाल उपाधिया नापनापं २५द्वःतका त्याकल । वय्कलं पुलांम्ह नेपाल च्याम्पियन नवीन तण्डुकार यात बुकूगु खः । थ्व हे इवलय् मिसापाखे विनिता कपाली उपाधिया नापं १०द्वःतका त्याकल ।

ललितपुर स्पोर्ट्स क्लबया नायः हेर काजी महर्जनया सभाध्यक्षताय् जूगु सिरपाः तथा समापन ज्याइवलय् नेपाल ओलम्पिक कमिटीया नायः सांसद जीवनराम श्रेष्ठ विजेता कासामिपिन्त ट्रीफ व दां लःल्हानादीगु खः ।

३७गु जिल्लाया १००म्ह कासामिपिन्सं ब्वति काःगु उगु कासा वंगु असार १६गतेनिसें न्ह्याःगु खः ।

किलाघःत्वाः छँया जग स्वन

यँया किलाघः त्वालय् च्वंगु किलाघः त्वाःया त्वाःछँया जग स्वनेज्या जुल ।

यँ महानगरपालिकाया आर्थिक ग्वाहालिं दय्केत्यंगु उगु छँया जग साइतय् महानगरपालिकाया प्रमुख विद्यासुन्दर शाक्यमूपाहीकथं भायादीगु खः ।

किलाघः त्वाःया नायः वंशीकृष्ण डंगोलया सभाध्यक्षताय् जूगु ज्याइवलय् यँ महानगरपालिका १८ वडाया नायः न्हुछेकाजी महर्जन व १५ वडाया नायः ईश्वरमान डंगोललिसें यँ मनपा सम्पदा विभागया प्रमुख ई. रामबाबु थापा पाहाँकथं भायादीगु खः । ज्याइवलय् त्वाःजः मचाराजा महर्जनं लसकुस यानादीगु खःसा ज्ञानोदयमा.वि.या प्रधानाध्यापकलिसें त्वाःया गुरु नातिकाजी महर्जनं त्वाःछँया महत्व कुलादिसें ज्या याकनं क्वचाय्मा धकाः भिंतुना देखानादीगु खः ।

ज्याइवः किलाघः त्वाःमिसापुचःया



नायःलिसें यँ मनपा १८ वडाया मिसा दुजः हिराशोभा महर्जनं न्ह्याकूगु खःसा उगु हे ज्याइवलय् यँ मनपा १८ वडापाखें जूगु न्वचु कला व चित्रकला धेंधेंबल्लाया उत्कृष्ट जुयादीपिन्त प्रमुख शाक्यपाखें दसिपौ व क्ववालेज्या यानादीपिन्त सुभाय् पी नं

लःल्हायूगु ज्या जूगु खः ।

त्वाःनायः वंशीकृष्ण डंगोल बियादीगु जानकारी कथं थुगु त्वाःछँ ३गु करोड ५० गू लखया लागतय् दय्केत्यंगु व न्हापांगु चरणय् यँ मनपापाखें छगू करोडया ग्वाहालि उपलब्ध याकूगु दु ।

विद्युतीय साभा बस सञ्चालन



साभा यातायातं स्वनिगःलिसेया थीथी थासय् ३०गः विद्युतीय बस सञ्चालन याइगु जूगु दु । थुगु विद्युतीय बस प्रदेश ३या सरकार नाप यँ व यल महानगरपालिकां छगू सम्भौ ता यासें उगु बस सञ्चालन याय्त्स्यंगु खः ।

बस न्यायगु निरति प्रदेश ३ सरकारं ३०गु करोड, यँ महानगरपालिकां १०गु करोड व यल महानगरपालिकां २गु करोड ५०गु लख तका दां साभा यातायातयात लःल्हाःगु खः ।

उगु ज्याइवलय्, यँ महानगरं ५गु करोड व यल महानगरं १गु करोडया शेयर लगानीपाखे युरो ४ मापदण्डया २०गः सहरी

सवारी सेवा नं न्ह्याःगु दु ।

मुख्यमन्त्री डोरमणि पौडेल, आर्थिक मामिला तथा योजना मन्त्री कैलाश दुङ्गेल, यँ महानगरया प्रमुख विद्यासुन्दर शाक्य, यल महानगरया प्रमुख चिरीबाबु महर्जन, साभा यातायात प्रा.लि. सञ्चालक समितिया नायः कनकमणि दीक्षितलिसें प्रदेशसभा सदस्य व जनप्रतिनिधिपिन्सं मंकाःकथं रि वन चानाः उगु सेवा न्ह्याकूगु खः ।

ज्याइवलय् बिजुली बस सञ्चालन याय्गु सम्बन्धय् प्रदेश सरकार, यँ व यल महानगर व साभा यातायात प्रा. लि. दथुइ सहमति पत्रय् हस्ताक्षर याःगु खः ।

कमलपूखु पुनःनिर्माणया शिलान्यास

कमलपूखुया पुनःनिर्माणया निरति यँ महानगरया प्रमुख विद्यासुन्दर शाक्य, उपप्रमुख हरिप्रभा श्रेष्ठ खड्गी व वडाध्यक्ष भरतलाल श्रेष्ठ मंकाःकथं शिलान्यास यानादिल ।

शिलान्यास लीपा जूगु ज्याइवलय् संधीय सांसद सदस्यलिसें पूर्वमन्त्री गगनकुमार थापां पूखु पुनःनिर्माणया लागि महानगरया नेतृत्व व लगानीयात कयाः च्छयादिसें नक्साल भगवतीनिसे नागपोखरीतक सम्पदा पुनर्स्थापनाया नेतृत्व काय्त नं इनाप यानादिल ।

अथे हे, महानगरया प्रमुख विद्यासुन्दर शाक्य सम्पदा पुनःनिर्माण याय्त पर्यटननाप स्वानाः दिगो व्यवस्थापनय् थःगु ध्यान वंगु न्हयथनादिसें थुगु पूखु ल्यंकातय्त योगदान याःपिं, पुनःस्थापना याय्त डिजाइन याःपिं व पूखुयात व्यर्वास्थित नाप संरक्षण याय्त फुक्कासिगु योगदानपाखे हे सम्भव जूगु धयादिल ।

थुगु पूखुया डिजाइन आर्किटेक्ट इञ्जिनियर प्रियङ्का प्रधान, सिभिल इञ्जिनियर नितेश श्रेष्ठ व प्रभात गौतम याःगु खः ।

शिकागोय् नेवाः भाय् स्यनेगु व पुष्पहिरा तुलाधरलिसे अन्तरक्रिया



नेवाः अमेरिकन दबूया ग्वसालय् दँय दसथें थुगुसी नं नेवाः भाय् स्यनेगु ज्या छगू ज्याइवः यासें शुभारम्भ जुल ।

दबूया पुलांम्ह नायः श्रवणकुमार श्रेष्ठ उलेज्या यानादीगु खः । ओरेगन राज्य भायादीम्ह हीलं नेवाः दबूया पुलांम्ह वरिष्ठ न्वकू दयारल शाक्यया सभाध्यक्षताय् जूगु खः । ज्याइवलय् मूपाहां पुष्पहिरा तुलाधर व दयारल शाक्यपिन्त लसकुस याय्गु इवलय् सभानायः श्रवणकुमार श्रेष्ठ व दबूया न्वकू श्रद्धाकमल ताम्रकारं खादा क्वखाय् कादी खः ।

मूपाहालिसें काठमाण्डौ लोडि जे सिसया पुलांम्ह प्रेसिडेण्ट पुष्पहिरा तुलाधर या म्हसीका दबूया पुलांम्ह नायः केशरमान ताम्रकारं बियादीगु खः । अथे हे नेवाः कक्षा

सञ्चालनया कजि जुनकमल तुलाधरं नेवाः भाय् स्यनेगु कलायात कयाः न्ववानादीगु खः । थ्व हे इवलय् मूपाहां मय्जु पुष्पहिरा तुलाधरलिसे 'नेपालय् घरेलु उद्योग व मिसा नेतृत्व' विषयस अन्तरक्रिया ज्याइवः जुल । ज्याइवःया सभानायः दयारल शाक्यं नेपालभाषा स्यनेगु व सय्केमाःगु आवश्यकतायात कयाः धवाथुइकादीगु खः । अथे हे श्रवण श्रेष्ठ दबूया गतिविधि न्हयब्वयादीगु खः ।

शुष्मा श्रेष्ठ व विवेक श्रेष्ठ न्ह्याकादीगु उगु ज्याइवलय् जुनकमल तुलाधरं सुभाय् देखानादीगु खः ।

शिकागोया पब्लिक लाइब्रेरीया कक्षय् न्ह्यानाच्वंगु प्रशिक्षण ज्याइवलय् न्यय्म्हं मल्याक मन्तसें ब्वति कयाच्वंगु दु ।

तरकारी...

जनताया स्वास्थ्यथें जाःगु संवेदनशील विषययात कयाः हे सरकार गम्भीर मज्जुलिं आम नागरिकत चिन्तित जुइगु व अन्यालताय् लाइगु स्वाभाविक हे खः । मन्तय् छँय् छँय् थ्व इलय् भारत, ओली सरकार नापं सिसाबुसा व तरकारीयात कयाः सहलह जुयाच्वंगु दु । मन्त सिसाबुसा नापं तरकारी नय्त तर्क म्याना जुइमाःगु अवस्था वःगु दु । थ्व धइगु स्वयं दुई तिहाई बहुमत दुगु ओली सरकारया तःधंगु कमजोरी खः । ओली सरकार थःम्ह हे निर्णय याइगु अलय् लिचिलेगु ज्या याःगुलिं खः । ओली सरकार तरकारीयात कयाः जक मखु, हेरेक ख्यलय् हे कमजोर जुया वनाच्वंगु मन्तय्स महसूस यानाहःगु दु । गुथि विधेयकया सवालनिसें तरकारी काण्डतक वःगु अवस्थाय् ओली सरकारप्रति मन्तय्स यक्कथंया न्हयसःत तथाहःगु खनेदु ।

विषादी परीक्षण, आइफा अवाड, गुथि विधेयक, पेट्रोलियम मूल्यवृद्धि, कर्मचारीया प्रोत्साहन भत्ता खुला, विमस्टेक

सैन्य तालिम, उप्रेतीया राजदूत सिफारिस, भाया नियुक्ति, वाइडबडी जहाज छानबिन, मिडिया काउन्सिल विधेयक, राष्ट्रिय मानवअधिकार आयोग विधेयक, वन विधेयक, नागरिकतासम्बन्धी विधेयक, बूढीगण्डकी जलाविद्युत् आयोजनाको निर्णय, क्रतार भिसा सेन्टर, चिनीको आयात, युनिभर्सल पिस फाउन्डेसनको सम्मेलन, लोकसेवा आयोगपाखें याःगु कर्मचारी भर्ना सम्बन्धि विज्ञापन लिसेया विषयस नं ओली सरकार ज्यामछिगु अवस्थाय् लानाच्वंगु दु । उकिं ओली सरकार थःम्ह हे याःगु निर्णयया कारणं लिलिचिला च्वनेमाःगु अवस्था वःगु दु ।

देय् ...

नाप आर्थिक पारदर्शिकथं खर्च मज्जुगु खँ तःगुलिं थःत दांभरिपद चीकेगु ज्या याःगु धयादीगु दु । आः थःगु कुतः धइगु आर्थिक पारदर्शिकथं देय् दबू न्ह्याकेगु नं धयादिल ।

लच्छिया दुने साधारणसभा याय्त जिल्ला प्रशासनया निर्देशन

यँ जिल्ला प्रशासन कार्यालयपाखें फागुन २४ व २५ गते धनगढी जूगु नेवाः देय् दबूया केन्द्रीय कार्य समिति मुँज्याया निर्णय कार्यान्वयन मयाय्त नं निर्देशन ब्यूगु दु ।

अथेहे नेवाः देय् दबूया आर्थिक नियमावली ११३७या दफा ३ (छ) खँय तत्काल याय् दु धकाः अध्यक्ष आःतक याःगु फुक्क खर्च व खर्च जूगु हिसाव कितावया प्रमाणित भ्वं व सम्भौता नापं लेखापरीक्षण यानाः कार्य समिति व साधारणसभापाखें अनुमोदन यानाः लच्छिया दुने प्रतिवेदन न्हयब्वय्त निर्देशन ब्यूगु दु ।

अथे हे, देय् दबूया संस्थाया विधान लोकतान्त्रिक प्रकृति व आःया संस्थाया ढाँचाकथं मज्जुलिं लच्छिया दुने विशेष साधारणसभा सःताः उगु साधारणसभापाखें विधान संशोधन यानाः स्वंगु महलया फारम जाय्काः स्वीकृतिया निरति न्हयब्वय्त नं निर्देशन ब्यूगु दु ।

हामी नेपालीहरू जुनसुकै क्षेत्रमा पनि काम गरेर देखाउन सक्ने अवस्था छ र रुल पनि हुन सकिन्छ । नयाँ प्रविधि तथा क्षेत्रहरूमा हामी जानै पर्छ । मुख्यतः हामीमा प्रतिबद्ध लगनशिलता, आँट र साहस चाहिन्छ ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

GSM DATA PACK (ALL TIME)

400MB
@Rs. 100

0.250/MB ONLY

850MB
@Rs. 200

0.235/MB ONLY

1500MB
@Rs. 300

0.200/MB ONLY

Offer valid for GSM
prepaid/postpaid users.

सफ्टवेयर संसार



For subscription, type
'DATA400MB' & send it to 1415

कक्षा ११ य न्हूगु भर्ना चाल

१९ दै न्ह्यवनिसैं +२ सञ्चालन जुयाच्चंगु
थुगु ब्वनेकुथिइ न्हूगु भर्ना चाल ।

Humanities

- Population/Travel & Tourism
- Sociology/Population
- Rural Development
- Health & Phy. Ed./Env. Science

Education

- Introduction to Education
- Instructional Pedagogy
- Population Ed./Env. Science
- Health & Physical Education

Management

- Accountancy
- Economics
- Business Studies



परोपकार आदर्श माध्यामिक विद्यालय
भिद्य त्वाः, येँ, फोन : ४२६३७८८, ४२६०२१२

Admission **Open**
in **Special Management Classes**
+2
Hotel Management
Computer Science
Business Studies

ZENITH
ENGLISH MODEL SCHOOL

Himalayan WhiteHouse International College

ANNOUNCES

ADMISSIONS OPEN

+2 **SCIENCE**
MANAGEMENT
HUMANITIES

ELIGIBILITY CRITERIA

Minimum Grade **B+** or **2.8 GPA** for **Science**
Grade **B** or **2.4 GPA** for **Management & Humanities**

SPECIAL FEATURES:

- ★ Super 40 Scholarship (For Talented & Gifted Child)
- ★ American-Based STEM Program Curriculum
- ★ Merit, Need-based, Sports Scholarship
- ★ Project Works & Case Studies
(Specially Focused for Management & Humanities)
- ★ Pre-Medical & Engineering Classes from Grade XI
- ★ International Exposure & Science Olympiads



ENTRANCE TESTS:

SCIENCE

21 Ashadh, 2076 (6 July, 2019) Saturday
8:00 AM | 11:00 AM | 2:00 PM

MANAGEMENT & HUMANITIES

19 Ashadh, 2076 (4 July, 2019) Thursday
8:00 AM | 11:00 AM



HIMALAYAN
WHITE HOUSE
INTERNATIONAL COLLEGE

Subidhanagar, Tinkune, Kathmandu-32

Tel.: 01 - 5199456/57 | 9801204300/301/302

Email: mailreply@whitehouse.edu.np

www.whitehouse.edu.np

सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।



Delicious Sweets



विश्व
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01-4247075, 014244323